

Na osnovu Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 1 12/03, 34/03 i 65/13), člana 15. Zakona o cestama Federacije Bosne i Hercegovine („Službene novine Federacije BiH“, broj 12/10, 16/10 i 66/13), člana 257. Zakona o privrednim društvima FBiH („Službene novine Federacije BiH“, broj 81/15) i člana 28. Statuta JP Autoceste FBiH d.o.o. Mostar, broj 1.1-3923-4/16 od 30.11.2016. godine, Odluke o izmjeni Statuta JP Autoceste FBiH d.o.o. Mostar broj: 1.1-3923-4/16 od 30.11.2016. godine i Odluka o izmjenama Statuta JP Autoceste FBiH d.o.o. Mostar broj (1.1-350-1/17 od 30.01.2017. godine; 1.01-1010-12/18 od 27.04.2018. godine; 1.1-3150-1/18 od 30.07.2018. godine, i 01.1-5440-3/19 od 23.12.2019.godine i 01.1-3971-1/20 od 26.06.2020.godine), Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine FBiH“, broj 20/16) a u vezi sa Odlukom o raspisivanju Javnog konkursa/natječaja za izbor i imenovanje člana Odbora za reviziju JP Autoceste FBiH d.o.o. Mostar, JP Autoceste FBiH d.o.o. Mostar, broj NO 1.01-10795-2/24 od 08.11.2024. godine, Nadzorni odbor JP Autoceste FBiH d.o.o. Mostar, objavljuje:

JAVNI KONKURS / NATJEČAJ

ZA IZBOR I IMENOVANJE ČLANA ODBORA ZA REVIZIJU JP AUTOCESTE FBiH D.O.O. MOSTAR

Na osnovu člana 8. Zakona o javnim preduzećima u Federaciji BiH ("Službene novine Federacije BiH", broj 8/05, 81/08, 22/09 i 109/12) i Odluke Nadzornog odbora JP Autoceste FBiH d.o.o. Mostar broj NO 1.01-10795-2/24 od 08.11.2024. godine o raspisivanju javnog konkursa za izbor i imenovanje kandidata za člana Odbora za reviziju JP Autoceste FBiH d.o.o. Mostar, Nadzorni odbor preduzeća raspisuje:

JAVNI KONKURS/NATJEČAJ

ZA IZBOR I IMENOVANJE ČLANA ODBORA ZA REVIZIJU JP AUTOCESTE FBiH D.O.O. MOSTAR

I

Objavljuje se JAVNI KONKURS/NATJEČAJ za izbor i imenovanje kandidata za člana Odbora za reviziju JP Autoceste FBiH d.o.o. Mostar, i to:

1. Član Odbora za reviziju, jedan kandidat.

II

Izbor i predlaganje kandidata Odbora za reviziju vrši Nadzorni odbor preduzeća na osnovu provedenog javnog konkursa/natječaja, a konačnu odluku o imenovanju člana Odbora za reviziju donijeće Skupština.

Mandat izabranog člana Odbora za reviziju traje do isteka mandata Odbora za reviziju koji je imenovan 11.08.2023. godine Odlukom Skupštine JP Autoceste FBiH d.o.o. Mostar broj: 1.1-6655-4/23.

Naknada i druga prava člana Odbora za reviziju uređuju se ugovorom, a na osnovu odluke Skupštine.

Dužnosti Odbora za reviziju utvrđene su odredbama Zakona o javnim preduzećima u FBiH, Zakona o privrednim društvima i članom 41. Statuta JP Autoceste FBiH doo Mostar:

- izvršiti reviziju polugodišnjeg i godišnjeg obračuna i reviziju finansijskog poslovanja;
- imenovati vanjskog revizora;
- imenovati direktora odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u FBiH nije upoznao JP Autoceste FBiH d.o.o Mostar sa svojom namjerom da izvrši imenovanje u roku od 30 dana od dana kada je generalni revizor obaviješten u skladu sa članom 27. stav 5. Zakona o javnim preduzećima;
- razmotriti godišnju studiju rizika i plan revizije, u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- razmotriti navedenu studiju rizika i plan revizije i postići sporazum sa generalnim revizorom po pitanju obrade, isključivo u slučaju kada je generalni revizor imenovao direktora odjela za internu reviziju JP Autoceste FBiH d.o.o Mostar;
- osigurati da odjel za internu reviziju izvrši svoj posao u skladu sa planom revizije;
- osigurati da interne kontrole u JP Autoceste FBiH d.o.o Mostar budu adekvatne i da funkcioniraju kako je predviđeno;
- podnositi Nadzornom odboru sažete mjesečne izvještaje o svojim sastancima svakog mjeseca;
- konsultovati se sa generalnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje odjela za internu reviziju svake dvije do tri godine;
- osigurati da odjel za internu reviziju obavlja svoje obaveze u skladu sa međunarodnim revizijskim standardima.

III

Kandidat koji se prijavi na javni konkurs treba da ispunjava slijedeće uslove:

Opći uslovi:

1. da je stariji od 18 godina,
2. da je državljanin Bosne i Hercegovine
3. da nije otpušten iz državne službe kao rezultat disciplinske mjere na bilo kom nivou vlasti u BiH (bilo na nivou države ili entiteta) u periodu od tri godine prije dana objavljivanja javnog konkursa,
4. da se na njega ne odnosi član IX. 1. Ustava Bosne i Hercegovine (da nije pod optužnicom Međunarodnog suda za ratne zločine u bivšoj Jugoslaviji),
5. da nije na funkciji u političkoj stranci,
6. da nije član Nadzornog odbora ili Uprave preduzeća niti da ima direktni ili indirektni finansijski interes u preduzeću,



Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registровано u Općinskom sudu u Mostaru, MBS 58-01-0179

7. da se protiv njega ne vodi krivični postupak,
8. da nije osoba kojoj je presudom suda zabranjeno obavljanje dužnosti u Odboru za reviziju,
9. da nije osuđivan za krivično djelo nespojivo sa dužnošću člana Odbora za reviziju pet godina od dana pravosnažnosti presude,

Posebni uslovi:

- VSS - visoka stručna sprema VII stepen ekonomskog ili pravnog smjera;
- 5 (pet) godina radnog iskustva u struci nakon sticanja diplome VSS;

IV

Prilikom procjene kvalifikacija i iskustva kandidata uzet će se u obzir i sljedeće:

- sposobnost prepoznavanja, zastupanja i zaštite interesa privrednog društva;
- sposobnost za odgovorno obavljanje dužnosti Odbora za reviziju;
- izražena inicijativnost i neovisnost u radu i donošenju odluka;
- stručno znanje i sposobnost razumijevanja poslovnih izvještaja, poznavanje oblasti računovodstva i revizije, privrednog prava i ukupnog zakonodavstva na području djelovanja Odbora za reviziju;
- preporuke neposrednih rukovodilaca i/ili reference.
- dokaz o radnom iskustvu na poslovima finansija, računovodstva ili privrednog prava.

V

Uz prijave kandidata koje treba da sadrže: kraću biografiju i CV sa kontakt telefonom i adresom prebivališta, kao dokaze o ispunjavanju uslova javnog konkursa/matječaja kandidati su dužni priložiti (original ili ovjerenu kopiju) sljedeća dokumenata:

- ovjerenu kopiju CIPS-ove lične karte,
- uvjerenje o državljanstvu,
- izjavu da se ne vodi krivični postupak nadležnog Suda,
- izjavu o nekažnjavanju MUP-a,
- ovjerenu kopiju diplome,
- dokaz o radnom iskustvu u struci i eventualne preporuke,
- ovjerene pismene izjave kandidata o ispunjavanju uslova iz tačke 3, 4, 5, 6, 8 i 9 općih uslova konkursa.

Traženi dokumenti iz ovog člana ne smiju biti stariji od 6 mjeseci (izuzev u stavu 1. ovog člana u kome se traže dokumenti koji nisu stariji od 3 mjeseca). Kandidat koji bude izabran dostavlja uvjerenje da se ne vodi krivični postupak nadležnog Suda i uvjerenje o nekažnjavanju MUP-a. Kandidati koji dostave blagovremenu i potpunu prijavu bit će pozvani na intervju.

Javni konkurs će se objaviti u dnevnim novinama i "Službenim novinama Federacije BiH". Javni konkurs ostaje otvoren 15 (petnaest) dana od dana posljednjeg objavljivanja.

Prijave sa svim traženim dokumentima dostaviti lično ili putem pošte na adresu:



Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 33869022965654549
Registrovano u Općinskom sudu u Mostaru, MBS 58-01-0179

JP Autoceste FBiH doo Mostar

Ul. Adema Buća 20

88000 Mostar

sa naznakom: "Komisiji za provođenje javnog konkursa/natječaja za izbor i imenovanje članova Odbora za reviziju-NE OTVARATI".

Neblagovremene i nepotpune prijave neće biti razmatrane.

Predsjednik Nadzornog odbora



Identifikacijski broj: **4227691540005** PDV broj: **227691540005**
Glavni račun: Union banka Sarajevo **1020010000014039**
Transakcijski račun: Raiffeisen bank dd Sarajevo, glavna filijala Mostar **1610200062470038**
Federalna taksa za korištenje autoceste: **1610200062470232** i **3386902296565422**
Naknada za korištenje cestovnog zemljišta: **1610200062470135** i **3386902296564549**
Registrovano u Općinskom sudu u Mostaru, MBS **58-01-0179**